

# FÄUENTSCHIED

## Vor eme Fäumentscheid

Söu i, oder söu i nid?  
i weiss doch ou nid.

Entscheid i mi so,  
de chunnt's eso.  
Entscheid i mi anders,  
de chunnt's nid eso.  
U entscheid i mi gar nid,  
de chunnts ganz anders.

I cha mi auso entscheide  
wie n' i wott,  
es chunnt lätz use.  
Ou wenn i mi gar nid entscheide.

U hani mi mou entscheide,  
chunnt's eso,  
u i chas nümm ändere,  
u bi mer gang greuig  
dass i mi so entscheide ha.

U wott i um aus ir Wäut  
richtig entscheide,  
so dass' ke Fäumentscheid git,  
de chunnt's vor luuter studiere  
sichere lätz use.

Wüu vor luuter studiere  
hingerfrogt me ou das  
wome sicher isch,  
u steut Froge  
wo me sech süsch nie steut.

Gäbig wä's jo,  
nid z' entscheide,  
aber ou denn chas lätz use cho,  
wüu äbe denn  
dr Entscheid **fäut**.

So oder so  
git's e Fäumentscheid.

